

# Vun driveriver

---

erscheint auf [www.lenauheim.de](http://www.lenauheim.de)

monatliche  
Erscheinung

Oktober 2022

von Helen Alba

## Herbschtgedanke

De Tach is korz, die Nacht schun lang,  
September is un Herbschtanfang.  
Die Blätter färwe sich jetz braun un geel,  
de Summer is vorbei, ja meiner Seel!

De Newel, der loßt a nit uf sich warte,  
die letschi Arweit werd gemacht im Garte.  
De Wind, der blost vun Ost un West,  
er glunscht de Bäämer ihre dirri Äscht.

Grooi Wolke, trieb un Reenwetter,  
vum Wind gequält, so treiwe Blätter.  
Quaake suche Fresse uf de leere Felder,  
ohne Kleid geblieb sin villi Wälder.

Doch was soll`s? Scheen is jedi Johreshzeit,  
weil sie weist sich doch im Sunntachskleid.  
Drum holle mer de Herbscht jawohl, so wie er is  
un danke unsrem Herrgott for die heirich`Liebe Ernte gwiss!

## Trauweeles

Wie Perle hänge se noch an de Rewesteck,  
doch gin se zeidich un die Pracht is weg.  
Es is Herbscht, die Trauweeles beginnt,  
e jedi Perl a ihre Eemer find.

Die meischte kumme in die Press. Un Moscht  
werd mit vill Vergniegen dann verkoscht.  
Der kummt a gleich in großi Fässer nin,  
muß gäre, dass es Rambasch un a Wein soll gin!

De Herbscht is do un Trauwezeit.  
Drum seid recht luschtich, liewi Leit.  
Weil de Herbscht un a die Trauwe  
werd uns bal de Winter rauwe.

Ufm Trauwebaal, do werd getanzt, gelacht,  
e jeder sich derbei Gedanke macht.  
Jetz gits noch Trauwe am Spallier genuch  
un bal a Rambasch dann im Kruch!

Fangt e Hieter mol e Trauweropper,  
ja was soll`s, dann knallt de Stopper.  
For sei Verpacksiere er jhalt bleche muss  
un zepple – was for ihn e harti Nuss!